

Vischnaunca da Mustér

Lescha da taglia

2009

I. Disposiziuns generalas

- Art. 1 Object
2 Dretg subsidiar

II. Dretg material

1. Taglia sin las entradas e sin la facultad

- 3 Pei da taglia

2. Taglia sin midada da maun

- 4 Tariffa da taglia

3. Taglia sin schischom

- 5 Tariffa da taglia

4. Taglia sin la quota d'ierta ed ina taglia sin donaziuns

- 6 Object e fixaziun

- 7 Subject da taglia

- 8 Deliberaziun subjectiva da taglia

- 9 Calculaziun dalla taglia

- 10 Incassament e responsablidad

5. Taglia da tgauns

- 11 Object da taglia

- 12 Subject da taglia

- 13 Deliberaziun da taglia

- 14 Calculaziun dalla taglia

III. Dretg formal

1. Autoritads

- 15 Suprastonza communal

- 16 Uffeci communal da taglia

2. Incassament

- 17 Sadenza

- 18 Termin da pagament

- 19 Relasch ed amortisaziun administrativa da taglia

3. Indemnisaziun

- 20 Indemnisaziun per incassament

IV. Disposiziuns finalas

- 21 Entrada en vigur

- 22

I. Disposiziuns generalas

Art. 1

Object

¹La vischnaunca da Mustér impona las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad;
- b) ina taglia sin gudogn entras la vendita da schischom;
- c) ina taglia supplementara ed ina taglia penala sco era multas disciplinaras;
- d) ina taglia sin midada da maun;
- e) ina taglia sin schischom

²La vischnaunca da Mustér impona las suandontas taglias tenor questa lescha:

- a) ina taglia sin la quota d'ierta ed ina taglia sin donaziuns;
- b) ina taglia da tgauns.

³La vischnaunca da Mustér impona plinavon las suandontas taglias tenor la legislaziun speciala:

- a) ina taxa da cura
- b) ina taxa per promover il turissem

Art. 2

Dretg subsidiar

Aschilunsch che questa lescha cuntegn negina regulaziun, vegnanlas disposiziuns dalla lescha davart las taglias communalas e davart las taglias da baselgia sco era dalla lescha cantunala da taglia applicadas conform al senn.

II. Dretg material

1. Taglia sin las entradas e sin la facultad

Art. 3

Pei da taglia

¹La taglia sin las entradas e sin la facultad vegn imponida en ina procentuala dalla taglia cantunala semplia.

²Igl organ cumpetent decida il pli tard il december il pei da taglia per igl onn fiscal suandont.

2. Taglia sin midada da maun

Art. 4

La taglia sin midada da maun importa 2 %.

Tariffa da taglia

3. Taglia sin schischom

Art. 5

¹La taglia sin schischom importa maximalmein 2 promils.

Tariffa da taglia

²Igl organ competent fixescha il pli tard il december il pei da taglia per igl onn fiscal suandont.

4. Taglia sin la quota d'ierta ed ina taglia sin donaziuns

Art. 6

¹Alla taglia sin la quota d'ierta e sin donaziuns ei suttamess mintga augment da facultad ch'effectuescha ina taglia cantunala sin ierta respectivamein sin donaziuns.

Object e fixaziun

²Las valurs da facultad suttamessas alla taglia e la fixaziun dalla taglia sedrezzan tenor las prescripziuns cantunalas.

³Sche l'assignaziun consista d'ina gudida ni d'ina prestaziun che serepeta, ei la valur capitalisada decisiva per la taxaziun.

Art. 7

Obligaus da pagar taglia ei il retschevider dall'assignaziun;

Subject da taglia

- a) sch'il testader respectivamein il donatur era domiciliaus ella vischnaunca da Mustér il mument da sia mort respectivamein il mument dalla conderschida dall'assignaziun; reselvau ei quella part digl augment da facultad che consista da schischom che sesanfla buca sin il territori communal;
- b) sche l'assignaziun consista da schischom sin il territori communal ni en dretgs reals vi da tals.

Art. 8

Deliberaziun
subjectiva
dalla taglia

Deliberai dalla taglia sin la quota dall'ierta e dalla taglia sin donaziun ein:

- a) il conjugal survivent;
- b) ils partenaris registrai;
- c) ils descendents, ils figliasters ed ils affons confidai sco era lur descendents;
- d) las persunas ch'ein deliberadas dalla taglia sin midada da maun tenor il dretg cantunal;
- e) ils partenaris da concubinat;
- f) ils geniturs.

Art. 9

Calculaziun dalla
taglia

¹Per calcular la taglia vegn deduciu:

- a) dallas assignaziuns a persunas basignusas frs. 14'000.--
- b) da mintg'otra assignaziun frs. 7'000.--

²Il imports fixai ell'alinea 1 ein indexai.

³En cass d'ina obligaziun parziala da pagar taglia vegnan las deducziuns concedidas proporziunalmein.

⁴En cass da pliras assignaziuns al medem retschevider entras la medema persuna sa igl importo liber da taglia vegnir pretendius mo inaga enteifer ina perioda da tschun onns.

⁵La taglia importa:

- a) per il tschep dils geniturs 5 %
- b) per il tschep da tat e tatta 10 %
- c) per las ulteriuras persunas benefiziadas 15 %

Art. 10

Incassament e
responsabladad

¹La taglia sin la quota d'ierta ei da pagar ord il relasch avon sia repartiziun e vegn incassada per tut ils artavels sco era per tut ils legataris en ina suletta gada.

²Plirs retscheviders d'assignaziuns stattan solidariamein buns per la taglia entochen igl import da lur augment da facultad.

³Igl administratur dall'ierta numnaus ufficialmein ni dessignaus dils artavels e gl'executur dil testament stattan buns solidariamein per la taglia entochen igl import dil relasch sco tal.

5. Taglia da tgauns

Art. 11

Per mintga tgaun ch'ei pli vegls che treis meins e che vegn tenius sin territori communal ei da pagar ina taglia.

Object da taglia

Art. 12

Obligaus da pagar taglia ei il possessur dil tgaun. Il possessur ei obligaus d'annunziar siu animal alla vischnaunca enteifer 30 dis.

Subject da taglia

Art. 13

Deliberai da pagar la taglia ein possessurs per

Deliberaziun da
taglia

- a) tgauns da polizia;
- b) tgauns da lavina;
- c) tgauns per tschocs e suords.

Art. 14

¹La taglia importa pigl empren tgaun 120.00 francs, per mintg'ulteriur tgaun ella medema casada 180.00 francs per onn. La suprastanza communal ei cumpetenta d'adattar quellas tariffas alla carischia.

Calculaziun dalla
taglia

²Sch'il tgaun vegn buca tenius duront igl entir onn sil territori communal, vegn la taglia debitada pro rata, silmeins per 3 meins.

³La taglia sto vegnir pagada annualmein tier la retratga dalla marca da tgauns. La marca sa vegnir remplazzada entras in auter sistem da controlla.

III. Dretg formal

1. Autoritads

Art. 15

Suprastonza
communala

La suprastonza communal decide:
a) davart damondas da levgiament fiscal;
b) davart la participaziun a cunvegns da dretg vicendeivel dil
cantun en caussas da taglia sin l'ierta e sin donaziuns.

Art. 16

Uffeci communal
da taglia

¹L'execuziun da questa lescha ei caussa digl uffeci communal da
taglia, aschilunsch che la vischnaunca ei cumpetenta persuerter.
²Igl uffeci communal da taglia ei ultra da quei cumpetents per
l'execuziun dallas incumbensas che la lescha cantunala da taglia ha
surdaun allas vischnauncas.
³La vischnaunca sa delegar a tiarzas personas sias incumbensas
tenor las alineas 1 e 2.

2. Incassament

Art. 17

Scadenza

¹Las taglias sin entradas e sin facultad scadan la fin digl onn
fiscal.
²La scadenza dalla taglia sin schischom sedrezza tenor las
taglias directas, sch'ella vegn incassada ensemen cun quellas.
³La scadenza dalla taglia sil gudogn entras la vendita da
schischom sedrezza tenor il dretg cantunal.
⁴Las ulteriuras taglias sco era las multas disciplinaras scadan cun
la facturaziun.
⁵Alla fin dall'obligaziun da pagar taglia en Svizra ni cun la
declaraziun da concuors scada mintga taglia ni mintga multa
immediatamein.

Art. 18

¹Cun resalva dad alinea 2 ein las taglias e las multas disciplinarias da pagar enteifer 90 dis dapi la scadenza.

Termin da pagament

²Il termin da pagament dalla taglia sin il gudogn entras la vendita da schischom sedrezza tenor il dretg cantunal.

³La taglia sin schischom incassada separadamein ei da pagar enteifer 30 dis dapi sia scadenza.

⁴Per las taglias sin las entradas e sin la facultad sco era per la taglia sin schischom incassada ensemen cun quellas sa la suprastonza communal decider in pagament en ratas per igl'onn che suonda gl'onn fiscal.

⁵Alla fin dall'obligaziun da pagar taglia en Svizra ni a caschun dalla declaraziun da concuors ei mintga taglia ni mintga multa da pagar immediatamein.

Art. 19

Davart las damondas da relasch e davart amortisaziuns administrativas decidan:

- a) gl'uffeci communal da taglia entochen gl'import da 1'500.00 francs per onn e per cass;
- b) la suprastonza communal per ils imports che survargan la summa suramenziunada.

Relasch ed
amortisaziun
administrativa
da taglia

3. Indemnisaziun

Art. 20

La vischnaunca da Mustér vegn indemnisada dallas baselgias cantunalas e dallas pleivs cun 2 % dallas taglias incassadas.

Indemnisaziun
per incassament

IV. Disposiziuns finalas

Art. 21

Entrada en vigur

¹La lescha ei vegnida acceptada ils 24 da fevrer 2008 alla votaziun all'urna. Ella entra en vigur igl empram da schaner 2009 e remplazza la lescha da taglia communal dils 16 da fevrer 1992.

²Cun l'entrada en vigur da questa lescha ein tut las disposiziuns dalla vischnaunca che stattan en contradicziun cun ella abrogadas.

Per la vischnaunca da Disentis/Mustér

Il president communal:
dr. Dumeni Columberg

Il canzlist communal:
Andri Hendry

Approbau dalla Regenza dil cantun Grischun tenor decisiun dils 27 da matg 2008, protocol nr. 657.

Il president:
Stefan Engler

Il cancelier:
Dr. C. Riesen